

周  
官  
心  
解

周官心解卷第十四

春官宗伯第三之四

○大司樂掌成均之灋以治建國之學政而合國之子弟

焉註董仲舒云成均五帝之學成均之灋其遺禮可灋者國之子弟公卿大夫之子弟按當兼王太子諸子及諸侯之子士之子說文王世子曰入學而大子齒註又曰文王世子曰於成均以及取爵於上尊然則周人立此學之宮按此成均即大學中間學有虞氏上庠居北夏東序居東殷瞽宗居西周下庠居南以水環之即辟雍也大司樂掌樂而教國子孔子所謂成於樂也虞典命夔典樂教胄子即此意或曰大司樂所掌為大學

說何所據曰此成均諸學皆備允非他學可比下樂師  
司樂之貳也固云掌國學之政矣國學非大學而何此  
經治建國之學政即國學之政也李晉卿  
曰漢樂德樂語樂舞之類皆其所以教也

凡有道者有德者使教焉死則以為樂祖祭于瞽宗道當行之

理藝亦道之應用處蓋學六藝六行而有得則曰有道  
者有德六德得之於心即六鄉所升賢能之士也大司  
樂教國子亦兼教賢能賢能之士既教成於鄉復使大  
司樂教之猶王制升諸鄉者又掄其秀而教之大學也  
祭之為樂祖者即大司樂祭必於瞽宗者瞽  
宗殷學文王世子禮在瞽宗故祭之於此

以樂德教國子中和祗庸孝友祗音支。中者性之體不偏和者情之發不戾祗者

履至尊之位而一物不敢輕庸者建萬世之功而一事  
未嘗怠孝友即孝行友行行之至遂蘊之為德而足以  
化成天下者也鄭剛中曰中和六德之終孝友六行之  
首祗庸所以進乎德行惟祗則於德行不敢忽惟庸則

於德行  
不敢輟

以樂語教國子。與道諷誦言語。與許應反。樂語、樂章中語、以樂語教教之言說樂章即令於樂受益按六語人不能善則教以樂章中善行語之使鼓舞而起不能行善道教以樂章中當由者語之使不迷於所往人有不善教以吟咏樂章以諷切之不能去不善而為善教以誦說樂章中法戒令之畏敬而信從言者講說樂章中義理以開人知覺語則述樂章故典令奉為準繩也

以樂舞教國子。舞雲門大卷。大咸。大磬。大夏。大濩。大武。

卷音

權磬上昭反濩胡故反下同。黃帝樂曰雲門大卷大咸。咸池堯樂。大磬舜樂。大夏禹樂。大濩湯樂。大武武王樂。

以六律六同五聲八音六舞大合樂以致鬼神元以和邦

國以諧萬民以安賓客以說遠人以作動物說音悅。註六律陽

聲六同陰聲十二管轉相生黃鍾爲首長九寸各因而  
三分之上生益一分下生去一國語曰律所以立均出  
度也古之神瞽攷中聲而量之以制度律均鍾言以中  
聲定律以律立鍾之均動物羽羸之屬疏以六律六同  
者舉十二管以表鍾樂器不用管也梁氏曰大合樂者  
成均習樂事非用之於祭也按大合樂自是用之於祭  
下圜丘方丘宗廟三祭正於此提綱和邦國以下以樂  
所感召言以此畜樂德善樂語習六舞之士諧合同律  
音聲以祭不特鬼神來享所感亦至神也和邦國指  
畿內說由王城及都鄙庶官皆不乖異此邦國之和下  
此萬民盡消亢戾之氣而不爭此萬民之諧賓客諸侯  
朝聘者感此樂而專心奉王室賓客所以安遠人四夷  
君及臣暨來市賈者感此樂而心生嚮慕卽遠人說也  
作動物與致不同作者令物阜盛神元欣悅寒暑正風  
雨時物乃阜盛所謂作也

乃分樂而序之以祭以享以祀

祭祭元享享鬼祀祀神註分各用一代之樂按六律

六同則分而仍合序之樂律因乎大小之次樂舞循時代之次也

乃奏黃鍾歌大呂舞

雲門以祀天神

奏者以八音奏五聲歌則以曲合八音歌奏異調皆各律宮調也黃鍾子律子

月辰在丑即歌奏之合宮聲有上下此二律皆下宮黃鍾陽律之首其聲最大所合大呂亦陰聲之至大者故

下經圜丘之祀以黃鍾為宮姑洗為羽姑洗之羽即大

呂也二律大雲門樂最先用之祀天神宜矣此天神即

五帝等此下六者祀神享鬼祭元分序而用然奏者

降神歌則祭時升歌舞又堂下之樂竊意舞時歌奏仍

用此乃奏大蕤歌應鍾舞咸池以祭地元

大音泰蕤七豆反下同

咸池大咸奏大蕤下宮歌應鍾上宮大蕤寅律寅月辰

在亥即歌奏之合此祭樂下經方丘降神亦用咸池小

呂為羽即此大蕤姑洗為徵即此乃奏姑洗歌南呂舞

應鍾地元即大元但非夏至時耳

春官大司樂

大磬以祀四望。

洗音銑磬音韶下同。奏姑洗下宮歌南呂上宮姑洗辰律辰月辰在西即歌

奏之合此亦祀樂下經圜丘降神黃鍾爲角即此姑洗大蕤爲徵即此南呂此四望天神之屬即日月星辰王羲冕七獻者合上黃鍾大呂即冬至降神調但此惟二宮調冬至降神則以四律爲四調耳乃奏蕤賓歌鬲鍾舞大夏以祭山川

蕤如惟反鬲胡南反下竝

同奏蕤賓下宮歌鬲鍾

上宮蕤賓午律午月辰在未即歌奏之合此亦祭樂下經方丘降神鬲鍾爲宮即此鬲鍾大蕤爲角即此蕤賓

山川元屬如鎮嶽瀆地之四望也亦王羲冕七獻者註鬲鍾一名林鍾按合上大蕤應鍾即夏至降神調但此

惟二宮調夏至降神則以四律爲四調耳乃奏夷則歌小呂舞大濩以享先

妣奏夷則上宮歌小呂下宮夷則申律申月辰在巳即歌奏之合此享樂也下經宗廟降神應鍾爲羽即此

夷則大呂爲角即此小呂註小呂一名中呂先妣姜嫄也姜嫄履大人跡感神靈而生后稷是周先母周立廟

后稷爲始祖是以特立廟祭之謂之闕宮闕神之乃奏無射歌夾鍾舞大武以

享先祖

射音亦。奏無射上宮歌夾鍾下宮無射戊辰在卯即歌奏之合此亦享樂下經夾鍾

爲宮即此夾鍾夾鍾爲徵即此無射註夾鍾一名圓鍾

先祖后稷以下先王先公按台上夷則小呂即宗廟降

神調但此惟二宮調下宗廟降人鬼則以四律爲四調

耳下經冬至降神即用此雲門祀神之舞夏至降神

亦用此咸池祭元之舞惟宗廟降神不用此享鬼之大

濩大武而反用祀樂中大磬既取其盡美盡善序當三

代之前又以人鬼必九變乃至簫韶九成於降人鬼允

宜也六祀首天神二次地元二末人鬼二六樂先軒

帝次唐次虞次夏次商末本朝樂樂律必合陰陽陰陽

合則和也而六陰皆從六陽婦從夫之義也陽律之次

黃鍾第一大簇第二姑洗第三蕤賓第四夷則○凡六

第五無射第六而用律之次即因之皆所謂序○凡六

樂者文之以五聲播之以八音

六樂必文以五聲者大



紛雜乖別，繁繁連貫而各諧也。播之以八音，播此五聲，以此八音之器播之。

凡六樂者，一變而致羽物，及川澤之元，再變而致羸物，及山林之元，三變而致鱗物，及邱陵之元，四變而致毛物，及墳衍之元，五變而致介物，及土元，六變而致象物，及天神。註：變，猶更樂成更奏也。按六樂成備中和，祇庸孝友之德，而以學樂德樂語之士，合歌奏之陰陽以舞之，故感召至神也。致物致神，遲速不同，易致者速，難致則遲。羽物飛行，川澤水也，水流至疾，故一變而即至。羸物走甚疾，山林高顯，疏豁故再變亦即至。鱗物游行不滯，邱陵高不及山林，而高於平土，故三變而亦至。毛物行多疑阻，墳衍土平下而水淺，故四變乃至。介物鈍行，土原隰也，土性敦厚而又廣平，故五變而後至。若象物，則日月星辰雲氣等非常之象，天神上帝及以下諸神，至高遠者莫如天，二者致之最難，故必六變而後可。

致也。或曰：此天神恐不及上帝，曰：下經圉丘之奏，六變而天神皆降，然則上帝亦可於六變致之矣。況上帝不止昊天、五色之帝，皆上帝也，不可於此樂致之邪？蓋至高遠者莫如天，而至神者莫如天神，不同地有形質，致之當有漸，故也。又按此正下經降神，必用六變，八變九變之故，本致神元而先言致物，以神元無形，以物至爲驗也。六變而致天神，天神皆至也，故下經六變而天神皆降，前每變各致一元，而不及大元，致大元非八變不可矣。況人鬼魄降魂升，尤爲難致乎？此下經方丘之奏，所由必八變而奏之，宗廟者更必九變也，與疏大司徒五地物生，動植俱有，此言動物，不言植物者，據有情可感者言。

凡樂，圉

黃鍾爲宮，黃鍾爲角，大簇爲徵，姑洗爲羽，雷鼓、鼗、孤竹之管、雲和之琴瑟、雲門之舞，冬日至，於地上之

圉丘奏之。若樂六變，則天神皆降，可得而禮矣。凡樂，圉

圉丘奏之。若樂六變，則天神皆降，可得而禮矣。凡樂，圉

鍾爲宮。大簇爲角。姑洗爲徵。南小品爲羽。靈鼓靈鼗。孫

竹之管。空桑之琴瑟。咸池之舞。夏日至於澤中之方丘

奏之。若樂八變。則地元皆出。可得而禮矣。凡樂黃圓鍾

爲宮。大呂爲角。大簇圓鍾爲徵。應鍾爲羽。路鼓路鼗。陰

竹之管。龍門之琴瑟。九德之歌。九磬之舞。於宗廟之中

奏之。若樂九變。則人鬼可得而禮矣。圓於權反。徵張里反。雷同。雷鼓

六面。靈鼓八面。此說與六變八變之數恰合。或當從之。

九磬之舞。上承九德。下合九變。亦當讀如字。觀磬舞有

歌。上二舞有歌。可知。註先奏樂以致其神。乃後祭之。圓

鍾夾鍾。函鍾。林鍾。鄭司農云。九德之歌。春秋傳六府三

事。謂之九功。九功之德。皆可歌也。註孤竹。竹特生者。孫

竹。根末生者。陰竹。生山北者。雲和。空桑。龍門。皆山名。王

光遠曰言天神則昊天上帝日月星辰風師雨師之屬  
莫不以類而畢降言地元則大元社稷五祀五嶽山林  
川澤四方百物之屬莫不以類而畢出按安溪李晉  
卿謂上六樂用以祭享祀各二此合二而一之蓋陽生  
而郊天配以日月星辰陰生而祭地配以嶽瀆山川大  
禘大祫有事犬廟配以羣后也其分以祀祭享之律與  
前文同但錯互黃鍾圓鍾之宮又誤小呂爲南呂誤圓  
鍾之徵爲犬族耳愚謂原其所以小之爲南傳寫之誤  
若黃鍾爲宮黃鍾爲角則疑其重複圓鍾爲宮圓鍾爲  
徵又疑其重複遂任意竄改改首律黃鍾爲圓鍾又改  
二圓鍾一爲黃鍾一爲犬族謂祀天之樂固忌覆雜宗  
廟享鬼尤當允諧必如此庶應鍾黃鍾大呂犬族一字  
排列且黃犬一台犬應一合與上一奏一歌之義恰恰  
相當不知於原文律次毫末之見也安溪謂原文某律  
爲宮固卽本律爲之至某律爲角爲徵爲羽非本律爲  
之乃指本律之角之徵之羽言如黃鍾爲宮宮固黃鍾  
黃鍾之角角則姑洗犬族之徵徵則南呂姑洗之羽羽  
則大呂此四者二律祀天神二律祀四望故合奏於圓

丘而天神皆降可得而禮也。鬲鍾之宮。宮卽鬲鍾。大族之角。角則蕤賓姑洗之徵。徵則應鍾。小呂之羽。羽則大族。此四者二律祭地元。二律祭山川。故合奏於方丘。而地元皆出可得而禮也。圜鍾之宮。宮卽圜鍾。大呂之角。則小呂。圜鍾之徵。徵則無射。應鍾之羽。羽則夷則。此四者二律享先妣。二律享先祖。故合奏於宗廟。而人鬼皆可得而禮也。愚謂必名爲某之角。徵。羽者。以律同。隔八生聲之敘求之。隔一八爲徵。三八爲羽。四八爲角。非卽以爲角。徵。羽調也。如言黃鍾爲角。則以姑洗當黃鍾之角。以角表姑洗也。言大族爲徵。則以南呂當大族之徵。以徵表南呂也。言姑洗爲羽。則以大呂當姑洗之羽。以羽表大呂也。更推方丘用樂。則以大族之角表蕤賓。姑洗之徵表應鍾。小呂之羽表大族。又推宗廟之樂。則以大呂之角表小呂。圜鍾之徵表無射。應鍾之羽表夷則。非如先儒黃鍾角調。大族徵調。姑洗羽調之謂也。何也。律之有高下。猶聲之有高下也。五聲之次。由宮之至下。以漸而高。而極於至高之羽。十二律之次。由黃鍾之至下。以漸而高。而極於至高之應鍾。此皆高下一定。不

容以絲毫勞者使三樂所用從宮至羽果準乎高下之  
次而不紊其爲角徵羽調允確然矣今就團丘四律按  
之宮角徵三調猶不失高下之次而羽當大呂僅高黃  
鍾一律較之姑洗之角南呂之徵其律反下卽曰此用  
大呂上宮當卽夷則夫夷則亦下南呂一律不得確指  
爲至高之羽調也若方丘四律則惟當徵位之應鍾高  
於鼠鍾宮律耳至大簇爲角卽蕤賓也反下宮一律矣  
小呂爲羽乃大簇不尤下宮六律與進推宗廟之樂首  
律團鍾最下允宜宮調大呂爲角卽小呂也高於團鍾  
二律於次爲得矣推之徵羽則羽反下而徵反高蓋團  
鍾爲徵適當無射應鍾爲羽適當夷則以下二律之夷  
則爲羽高二律之無射爲徵亦未免顛倒矣或曰經文  
獨無某律之商先儒爲商調殺伐之聲鬼神所忌故特  
去之其說何如曰獨無商調則宮徵角羽安得不以調  
言不知此先儒拘文立解之迷誤也蓋律調不止宮商  
角徵羽五調也高宮一律者爲變宮調高徵一律者爲  
變徵調合五聲二變爲七正調高於正調者爲清聲卽  
宮清變宮清商清角清徵清五清調是也今就三樂切

按不用商調者惟宗廟四律耳以圓鍾爲宮卽角調角當小呂則變徵調徵當無射則清角羽當夷則則變宮清此二正二清允無商調若圓丘之樂黃鍾爲宮宮調也角當姑洗徵調也羽當大呂變宮調也而大簇之徵適當南呂非商清調與方丘之樂圓鍾爲宮宮清調也角當蕤賓羽調也徵當應鍾徵清調也而小呂之羽適當犬簇非商調與按諸二樂正商清商二調顯然而先儒解經皆謂鬼神元不宜商調皆非也曰經文不及商何也曰聲有七而入用惟五雜二變卽調不諧防其爲累而去之也聲有五而表律者惟四更及商卽數奇零主於如數而去之也然則豈有他義哉律止用四表律者亦取其四而已矣又按十二律由黃鍾至下至應鍾之高盡矣然又有半律以應變徵及羽此閏律也天道五歲再開故宮商角徵羽大小之次也宮徵商羽角則排調之濫其濫某律爲宮宮卽本律以下則隔八而取一八爲徵二八爲商三八爲羽四八爲角以此爲次而取律則大小皆順其序而不乖如黃鍾爲宮一八爲林鍾二八爲大簇三八爲南呂四八爲姑洗則黃鍾

爲宮。大蕤爲商。姑洗爲角。林鍾爲徵。南呂爲羽。大小之序無不井井。大呂以下皆因此法。今此三樂之調僅取四律。冬至所用取祀天神二律。祀四望二律。黃鍾爲宮。卽黃鍾。黃鍾爲角。則四八而取姑洗。大蕤爲徵。則一八而取南呂。姑洗爲羽。則三八而取大呂也。夏至所用卽祭地。元二律。祭山川二律。屈鍾爲宮。卽屈鍾。大蕤爲角。卽蕤賓。以大蕤至蕤賓隔四八也。姑洗爲徵。卽應鍾。以姑洗至應鍾隔一八也。小呂爲羽。卽大蕤。以小呂至大蕤隔三八也。宗廟所用取享妣二律。享祖二律。屈鍾爲宮。卽屈鍾。大呂爲角。則小呂以大呂至小呂隔四八也。圓鍾爲徵。卽無射。以圓鍾至無射隔一八也。應鍾爲羽。卽夷則。以應鍾至夷則隔三八也。不及商。僅取四律。故耳。此與五調之法大別。不得例觀。姪錦川問曰。犬師掌同律以合陰陽之聲。皆文以五聲。播以八音。此經所用鼓鼗革也。管竹也。琴瑟絲也。餘五音皆不之及。何也。曰。春秋傳。舞所以節八音而行八風。況三者大樂舞。豈有不備八音者。蓋舉其異。餘卽可類推耳。況三樂備十二律。用黃鍾。卽擊黃鍾之鍾磬。用大呂。卽擊大呂之鍾。



磬允一一可推况管堂下之樂也舉管則列在堂下者必備矣琴瑟堂上之樂也舉琴瑟則列於堂上者必備矣此皆事理之一定不必疑也曰何以先鼓鼗曰鼓無當於五聲五聲不得和凡樂皆擊鼓矣此大樂舞作之以降神則先擊鼓鼗則播於未鼓之先所以兆鼓故曰鼗也五行備於十二律皆顯見於三合申子辰水也巳酉丑金也寅午戌火土也亥卯未木也隔八推之則申子辰之水生亥卯未之木亥卯未之木生寅午戌之火土寅午戌之火土生巳酉丑之金巳酉丑之金又生申子辰之水允無一不然矣然在祀天四宮子水旺丑金墓辰水墓酉金旺而火土木全不及在祭地四宮未木墓午火土旺寅火土旺亥木生而金水全不及惟享人鬼四宮則五行皆備卯木旺巳則金之生申水生也戌則火土之墓

凡樂事大祭祀宿縣遂以聲展之

縣音懸下同。疏宿縣前宿縣之以聲展之叩

使作聲展省聽之王出入則令奏王夏尸出入則令奏

知其完否善惡也

肆夏牲出入則令奏昭夏

註三夏樂章名按此皆帥國金奏擊鍾鼓以奏者

子而舞

所教國子當舞者督帥之使在舞位胥合節度也不言令帥重於令也

大饗不入牲其他皆如祭祀

註大饗饗賓客也不入牲不奏昭夏也其他王出入賓客

出入亦奏王復肆夏疏祭祀君牽牲入殺大饗在廟牲在門外殺即烹之升鼎乃入故不入牲李晉卿曰宿縣

展聲命舞

與祭祀同

大射王出入令奏王復及射令奏騶虞

註騶虞樂章名召南卒章王射以騶

虞為節

詔諸侯以弓矢舞

註舞執弓挾矢揖讓進退之儀按鄉大夫五物詢眾庶五日與

舞即弓矢舞也註似非疏諸侯來朝將助祭預於天子

大射又按司服祭先公饗射皆驚冕知大射禮盛同

於祭享矣宿縣展聲令奏當無不同獨舉奏騶虞將疑

王夏不令奏故以令奏先之著王令奏則賓出入亦奏

肆夏可知著王射令奏則諸侯射亦令奏狸首可知

王大食三侑皆令奏鍾鼓

侑音又。註大食朔月月半食也。侑猶勸按言皆知三侑三令

鍾鼓即金奏亦三夏之屬

王師大獻則令奏愷樂

註大獻獻捷於祖愷樂獻功樂

凡日月食四鎮五嶽崩大傀異哉諸侯薨令去樂

傀音怪去起呂

反。四鎮揚會稽青沂山幽醫無閭雍嶽山五嶽克岱荆衡豫華冀霍并恆霍山書之太嶽古以爲中嶽者也註傀猶怪大怪異哉天地奇變若星辰奔實及震裂爲害者按去樂舉琴瑟管簫不縣者藏之不弛縣也○

大札大凶大哉大臣死凡國之大憂令弛縣

註札疫癘凶凶年哉

水火按弛縣大寢所縣亦釋下藏之禍害切近不第去樂不奏也大司徒荒政蕃樂正與此合疏大憂若國亡

大縣邑及戰敗之類

凡建國禁其淫聲過聲凶聲慢聲

註淫聲若鄭衛也過聲失哀樂之節凶聲亡國

之聲若桑間濮上慢聲惰慢不恭疏建國新封諸侯移風易俗當用正樂以化民故禁此四者

大喪涖厥樂器

者涖臨也陳也笙師鑄師等竅此明器於

殯宮大司樂涖之

○及葬藏樂器亦如之

納樂器於壙中亦涖厥

○樂師掌國學之政以教國子小舞

樂師貳大司樂大司樂教賢能國子國學

之政也政掌於貳司樂但執要耳註年少時教之舞內則十三舞勺成童舞象二十舞大夏疏小舞下帔舞以

下是也大司樂雲門以下為大舞

○凡舞有帔舞有羽舞有皇舞有旄

舞有干舞有人舞

帔音拂鄭司農曰旄麓牛之尾社稷以帔註帔析五采繪皇雜五采羽

如鳳皇色人舞以手袖爲威儀四方以羽旱暵以皇按  
旄旌人教舞夷樂散樂所執祭祀賓客之燕樂用之考  
鼓師凡祭祀百物之神鼓兵舞帔舞又司兵掌五兵五  
盾祭祀授舞者兵司戈盾祭祀亦授舞者兵盾與干形  
制殊別先鄭謂干舞卽兵舞註  
以舞山川之祭祀當之非也

教樂儀

樂儀令儀度應樂節爲下節綱

○行以肆夏趨以采齊車亦如之

環拜以鍾鼓爲節

齊徐私反。鄭司農曰肆夏采齊皆樂名或曰皆逸詩註行者大寢中趨

於朝廷爾雅堂上謂之行門外謂之趨王出至堂而肆  
夏作出路門而采齊作反至應門路門亦如之此步迎  
賓客王有車出之事登車於大寢西階前反降於阼階  
前尚書傳天子將出撞黃鍾之鍾右五鍾皆應入則撞  
蕤賓之鍾左五鍾皆應犬師於是奏樂按環拜賓主行  
禮一拜一辟一答一拜皆旋轉有威儀也註以王樂儀  
說其實以教國子必樂  
師教儀欲令應樂節也

凡射王以騶虞爲節諸侯以貍首爲節大夫以采蘋爲節

士以采蘋爲節

此射時樂儀上經行趨在車環拜皆以樂爲節此射時又以四樂爲節也亦教

樂儀中事註騶虞采蘋皆樂章名在召南惟貍首在樂記射義騶虞者樂官備也貍首者樂會時也采蘋者樂循法也采蘋者樂不失職也是故天子以備官爲節諸侯以時會爲節卿大夫以循法爲節士以不失職爲節鄭司農去大射儀樂正命大師曰奏貍首閒若一大師不與許諾樂正反位奏貍首以射又按此亦教國子弟事或疑此射節及上樂儀無與子弟不知此國子弟卽王大子諸子諸侯之子卿大夫士之子異日爲王爲諸侯爲大夫士者也教之洵宜豫矣卽所興賢能亦當學此以異日居官有爲諸侯大夫士之理也雖騶虞爲天子射節而士鄉射得用之則宜學尤急審此則賢能亦學樂儀可知矣

凡樂掌其序事治其樂政

凡凡大小祭用樂者疏序事陳列樂器及作樂次第治其樂政

治理樂聲使得其正按舞亦有事當序有政當治況所教國子以舞為職邪不得遺之矣○凡國之

小事用樂者令奏鍾鼓

令奏鍾鼓亦如大司樂令奏夏

○凡樂成則告

備

註成謂所奏一竟燕禮曰大師告於樂正曰正歌備按樂師告備六成當六告餘八成九成亦然故曰凡

也

○詔來瞽皋舞

皋何敖反○詔來瞽詔瞽來入也○

○

及徹率學士而歌徹

學士國子及賢能也歌徹徹時歌雍詩也下小師歌徹歌當是瞽瞍

事然此職下云教愷歌遂倡之則所教而倡之者豈瞽瞍邪意徹歌兼學士瞽瞍

令相

相悉亮反下同

相瞍瞍扶瞽瞍凡瞍瞍相瞽出入登降皆樂師令之自掌序事至此皆祭時事觀下經如祭之儀句可見

饗食諸侯序其樂事令奏鍾鼓令相如祭之儀

疏食音嗣如祭之

儀非直序樂令鍾鼓令相其中詔來瞽歌徹等皆如之祭祀歌雍以徹饗食徹器亦歌雍觀下大師大饗亦如

祭祀登歌下管，故知皆同也。

燕射。帥射夫以弓矢舞。註：射夫，眾耦。

樂出入。令奏鍾鼓。註：樂出入，謂笙歌舞者及其器。李茂

入，皆令奏鍾鼓也。按亦奏九夏中樂章以無據，不敢確指。

凡軍大獻。教愷歌。遂倡之。師還未至，教學士愷歌，洎入廟獻捷，樂師又倡學士歌也。

凡喪。陳樂器。則帥樂官。疏：樂器，明器。樂官，笙師、鍾師之屬。陳之者，如既夕禮，陳器於祖廟之

前庭及壝道東。○及序哭。亦如之。註：謂哭此樂器亦帥之。按序哭，納樂器入壝時，以次序哭

之以帥樂官也。

凡樂官。掌其政令。聽其治訟。既掌國學之政，以教學士。此又掌樂官政令，所以貳大司



胥至司干、按治樂官所土事、訟樂官爭訟、樂師聽之、亦

土大  
司樂

○大胥掌學士之版、以待致諸子、

學士、學於大司樂者、即諸子、名皆書於版、有事

徵召、即據版致之、大胥則掌此版、以待也、徵令、則掌於小胥、

春入學、舍采、合舞、

舍、讀作釋、采、讀作菜。春致學士入成均、學舞也、亦頒學、不言者、因下經互見

學舞、既分教、又合之者、等其舞儀、令進退周折、揚手舉足、動合法度也、舍、讀釋、采、讀菜、必釋菜以合舞、告先師

也、即合於先師之

○秋頒學、合聲、

頒、分頒、八音各器、分學士、各令專職教之

合聲、以舞合音節也、亦頒學、後合之、舞合聲、然後與樂章相應也、合聲、亦舍菜、不言者、因上文互見、

○以

六樂之會、正舞位、

會、時會、如雲門、祀天神、咸池、祭地、元等、適當時會也、祀天北向、舞位亦北

凡祭祀之用樂者。以鼓徵學士。

卷一

卷一百一十五

春官

大胥

小胥

王

經緯堂

士徵令掌於小胥此鼓徵則擊鼓以定入學時刻令不得踰期當擊幾次惜未之聞

序宮中之事

宮中之事房中樂事也宮中奏二南大胥亦比樂官展樂器樂事一一序之

○小胥掌學士之徵令而比之觶其不敬者

觶古橫反徵令小胥使

胥徒徵召學士以事令之比則以學士之版按名齒序也比亦有禮不敬則慢故罰之註觶罰爵也王光遠曰徵召之使來○巡舞列而撻其怠慢者已小胥又巡其令使之有爲○列審察怠慢而撻之檢稽益密而勞註撻猶扶扶以荆朴

正樂縣之位王宮縣諸侯軒縣卿大夫判縣士特縣辨其

聲

縣音懸下同小胥正縣王之外惟在朝卿大夫士

縣之內大小都諸侯爲事之所及然外諸侯及其臣樂縣之位胥準於此慮有淫聲過聲凶聲慢聲故辨之註樂縣鍾磬之屬縣於筍虞者鄭司農云宮縣四面縣軒

縣去其一面判縣又去其一面特縣又去其一面象宮  
室四面有牆故謂之宮縣軒縣三面其形曲春秋傳請  
曲縣繁纓以朝諸侯之禮也註軒縣去南面辟王也判  
縣左右之合又空北面特縣縣於東方或階間而已

○凡縣鍾磬半爲堵全爲肆

堵丁古反。註鍾磬編縣

堵鍾一堵磬一堵謂之肆半者諸侯之卿大夫士也諸  
侯之卿大夫半天子之卿大夫西縣鍾東縣磬士亦半  
天子之士縣磬而已疏周人縣鼓與鐃惟一而已十二  
辰大鍾亦一而已此言堵肆則編縣二十八枚共在一  
一虞者也按鍾磬皆十六枚一虞者準律者十二四爲  
宮清商清角清徵清天子卿大夫鍾磬二肆如諸侯大  
射儀東西各一肆二鍾二磬備也諸侯之卿大夫列磬  
於東列鍾於西東西各一虞天子之士鍾磬竝列各一  
虞諸侯之士列磬一虞而已按春秋傳歌鍾二肆是鍾  
二虞磬二虞也晉侯以樂之半賜魏絳是鍾一虞磬一  
虞或曰何以知之曰鍾金也磬石也下云魏絳始有金  
石之樂此確據也又按歌鍾卽頌鍾儀禮大射儀阼階

東南笙磬西面其南笙鍾西階西南頌磬東面其南頌  
鍾此二肆四虞則頌鍾與笙鍾及頌磬笙磬各一虞也

篇師職文當

在此職之下

○大。師。掌六律六同。以合陰陽之聲。陽聲黃鍾大蕤姑洗

蕤賓夷則無射。陰聲大呂應鍾南呂函鍾小呂夾鍾。皆

文之以五聲。宮商角徵羽。皆播之以八音。金石土革絲

木匏竹。

大。師。之。大。大。蕤。之。大。並。音。泰。蕤。七。豆。反。蕤。人。誰。反。射。音。亦。畱。胡。南。反。註。以。合。陰。陽。之。聲。者。聲。

之。陰。陽。各。有。合。黃。鍾。子。之。氣。也。十。一。月。建。焉。而。辰。在。星。紀。大。呂。丑。之。氣。也。十。二。月。建。焉。而。辰。在。元。枵。大。蕤。寅。之。

氣。也。正。月。建。焉。而。辰。在。娵。訾。應。鍾。亥。之。氣。也。十。月。建。焉。而。辰。在。析。木。姑。洗。辰。之。氣。也。三。月。建。焉。而。辰。在。大。梁。南。

呂。酉。之。氣。也。八。月。建。焉。而。辰。在。壽。星。蕤。賓。午。之。氣。也。五。月。建。焉。而。辰。在。鶉。首。林。鍾。未。之。氣。也。六。月。建。焉。而。辰。在。

轉火夷則申之氣也七月建焉而辰在鶉尾中呂巳之  
氣也四月建焉而辰在實沈無射戌之氣也九月建焉  
而辰在大火夾鍾卯之氣也二月建焉而辰在降婁辰  
與建交錯實處如表裏然是其合也金鍾鎛也石磬也  
土塤也革鼓鼗也絲琴瑟也木祝敔也匏笙也竹管簫  
也疏黃鍾大蕤姑洗等左旋大呂應鍾南呂等右轉按  
合陰陽之聲故陰從陽合而右轉大呂從黃鍾應鍾從  
大蕤卽大司樂分樂而序之次也五聲卽此陽聲陰聲  
爲之必用五聲者自黃鍾至應鍾十二聲高下懸絕以  
五聲爲之節度也其法宮最下商次下高宮二律角高  
商一律徵高角一律羽高徵二律宮下則商角徵羽之  
由漸而高者亦下宮高則商角徵羽之由漸而高者愈  
高必如此高與下勢可相及卽紛錯更變皆歷然可聽  
所謂文之也八音卽金石等所製八器革木皆無當五  
聲然革以節聲木以合止聲餘六者皆準律製造咸備  
五聲播之播此五聲也八音至不同而仍合五聲則八  
音不乖以八音之至不同者播五聲五聲乃美備而盛  
大也又按十二律相生皆理之自然數之一定而不

容矯僞造作於其間今就律臚陳之如黃鍾八十一分  
長九寸三分二十七數損一分下生林鍾林鍾五十四  
數長六寸三分十八數益一分上生大蕤大蕤七十二  
數長八寸三分二十四數損一分下生南呂南呂四十  
入數長五寸三分三十六數益一分上生姑洗姑洗  
六十四數長七寸一分一數損一數三分二十一數損一分  
下生應鍾應鍾四十二數長四寸七分三分十四數益  
一分上生蕤賓蕤賓五十六數長六寸二分益一數三  
分十九數益一分上生大呂大呂七十六數長八寸四  
分損一數三分二十五數損一分下生夷則夷則五十  
數長五寸五分益一數三分十七數益一分上生夾鍾  
夾鍾六十八數長七寸五分益一數三分二十三數損  
一分下生無射無射四十六數長五寸一分損一數三  
分十五益一分上生中呂中呂六十數長六寸六分三  
分二十益一分又益一數上生黃鍾律尺一數爲一分  
九分爲寸故黃鍾八十一數長九寸也鄭氏不據此集  
數矣又隔八相生三分損益損益止說得一邊則律管  
相生其長短多不相應矣蓋三分損益有二法一是大

數損益如黃鍾八十一數三分得二十七數損一分二  
十七數卽林鍾五十四數林鍾三分十八數益一分十  
八數卽大蕤七十二數是也一是小數損益三數中多  
一數當損一三數中少一數當益一如姑洗六十四數  
三分二十一數則多一數必損一數乃恰得三分均等  
然後損其一分以下生應鍾四十二數也此三分小數  
之損夷則五十數三分十七則少一數必益一數得五  
十一數始得三分十七恰恰均等然後益一分十七數  
乃可上生夾鍾六十八數也此三分小數之益儒說皆  
不解此宜其動多抵突謂古法制律長短參差而不可  
信也又臆說賈疏云樂器不用管卽典同同律亦制  
器分寸之準無與奏時也然切按此經及前大司樂同  
律歌奏與黃鍾爲宮等三樂則六律大同似卽奏時所  
用輾轉思維納音五行堪爲奏樂用律徵信以古無明  
文而某獨言之似出一人私見故自名臆說焉夫律管  
候氣本無孔穴奏樂所用則各開五孔以備五音之數  
統十二管則六十聲卽六十花甲之數也黃鍾長九寸  
甲子宮丙子商戊子角庚子徵壬子羽夫呂長八寸四



分乙丑宮丁丑商己丑角辛丑徵癸丑羽大簇長八寸  
丙寅角戊寅徵庚寅羽壬寅宮甲寅商夾鍾七寸五分  
丁卯角己卯徵辛卯羽癸卯宮乙卯商姑洗七寸一分  
戊辰羽庚辰宮壬辰商甲辰角丙辰徵中呂六寸六分  
己巳羽辛巳宮癸巳商乙巳角丁巳徵蕤賓六寸二分  
庚午徵壬午羽甲午宮丙午商戊午角林鍾六寸辛未  
徵癸未羽乙未宮丁未商己未角夷則五寸五分壬申  
宮甲申商丙申角戊申徵庚申羽南呂五寸三分癸酉  
宮乙酉商丁酉角己酉徵辛酉羽無射五寸一分甲戌  
角丙戌徵戊戌羽庚戌宮壬戌商應鍾四寸七分乙亥  
角丁亥徵己亥羽辛亥宮癸亥商此十二律每律五孔  
備五聲之數也或曰此說允前人所未言亦非無稽之  
論可比然甲子乙丑金也而云宮丙子丁丑水也而云  
商指火言角指土言徵指木言羽實所未解何如順土  
宮金商之爲恰乎曰納音五行皆指所生以立五行名  
目如甲子零五數取土之生金故曰金實則土也丙子  
零四數取金之生水故曰水實則金也推之  
六十花甲無一不然謂予不信試一一推之

教六詩曰風曰賦曰比曰興曰雅曰頌詩即樂章固宜循習然正欲肄業者

吟誦以入德故大師之教非止授以章句有講說在風

國風也詩主感風二南以下十五國之詩感風尤切故

首列之不繼以雅頌而繼以賦比興三體之別即舉風

詩三體一一分類講明先令之知也以下頌止有賦雅

備三體即此可推也雅正也小雅大雅無非正道教之

令咸軌於正而不邪頌頌先王之功德者也以此為教

使德進而盛大此不特

教樂人當兼國子等說○以六德為之本習六詩者必以六德為本

鄭剛中曰六德大司樂

所教中和祇庸孝友也○以六律為之音音歌詩之音人聲高下不

同而各具五聲重濁者用下律輕清者用高律乃各有

節而諧也詩亦有不歌者如笙詩九夏一以笙奏一以

金奏亦以律之五聲節之

自教六詩至此是一章事

大祭祀帥瞽登歌令奏擊拊拊音撫○奏堂上奏琴瑟也奏琴瑟以合歌時亦擊拊大

司馬小雅卷十曰清官大師

師令奏即擊拊以令之註擊拊替乃歌也拊以韋為之著之以穰鄭司農云登歌歌者在堂也貴人聲 Q

下管播樂器令奏鼓棘言管貴人氣也鄭司農云下管

吹管者在堂下棘小鼓也先擊小鼓乃擊大鼓小鼓為

大鼓先引故曰棘棘讀為導引之引按即朔聲朔即朔

日之朔始也與導引之義合非二器也以管吹樂章樂

盛不以笙吹詩而用管如燕禮新宮登歌後堂下以管

吹詩當播揚樂器必先擊棘大饗亦如之管令奏與大

犬師令奏即鼓棘以令之大饗亦如之

祭祀同疏祭時鍾鼓大祝令奏大祝云隋爵逆尸令鍾

鼓右亦如之若賓射及饗鍾鼓亦當大祝令與祭同

大射帥替而歌射節大射亦登歌下管如前又多

此一項註射節主歌騶虞

大師執同律以聽軍聲而詔吉凶註大師大起軍師兵書

授將弓矢士卒振旅將張弓大呼大師吹律合音商則

戰勝軍士強角則軍擾多變失士心宮則軍和士卒同

心徵則將急數怒軍士勞羽則兵弱少威明鄭司農云  
師曠曰吾驟歌北風又歌南風南風不競多死聲楚必  
功無

大喪帥瞽而厥作匱論匱古栢字。厥猶陳列也。註諷誦

陳其生時行  
迹爲作諡

凡國之瞽矇正焉註從大師  
之政教

○小師掌教鼓鼗祝敔塤簫管弦歌祝處郁反敔魚呂反  
塤虛駕反。教教瞽

矇出音曰鼓鼗如鼓而小持柄搖之祝方二尺四寸深  
一尺八寸中有椎撞其底及左右擊以起樂敔如伏虎  
背有二十七刻斲長尺櫟之以止樂塤燒土爲之大如  
鷄卵銳上平底六孔簫編竹爲之長尺四寸頌簫尺二  
寸大者二十四管小者十六管管如箛而小六孔併兩  
吹之絃琴瑟也歌依詠詩李晉卿曰此八者其序自下

及上自匏及精小師教之匏與金石則磬師鍾師笙  
師鼻之矣鍾罇笙磬其類不一器故各有掌之者

大祭祀登歌擊拊

註自有拊擊之佐大師令奏按大師職擊拊令奏此奏時擊拊以諧琴瑟也

○下管擊應鼓

應鼓即應擊應與桴皆小鼓先擊桴應乃應之桴即朔聲小師擊應應大師擊

也

○歌徹

註於有司徹而歌雍

○大饗亦如之

大饗諸侯來朝者登歌以下亦如大

祭也疏若諸侯自相饗徹器歌振鷺仲尼燕居大饗有四焉徹以振羽振羽當為振鷺

大喪與厥

與音預註從大師

凡小祭祀小樂事鼓桴

註如大師按鼓桴令奏也登歌時或當擊拊以令奏

掌六樂聲音之節與其和

徐氏曰六代之樂文以五聲播以八音五聲大不踰宮細不過

羽八音升歌在上匏竹在下是其節也上下大小欲周旋相應故曰和

○瞽矇掌播鼗祝敵墳簫管弦歌註播發揚其音按此卽小師所教

諷誦詩世奠繫鼓琴瑟莫音定。諷誦詩不依詠也。鄭司農云諷誦詩誦詩以刺君過國語曉賦曉誦杜子春云世繫帝

繫諸侯卿大夫世本之屬小史次序先王之世昭穆之教述其德行瞽矇誦詩并誦世繫以戒勸人君也國語教之世爲之昭明德而廢幽昏焉以怵懼其動李晉卿曰人君燕居瞽矇誦詩并誦世繫以戒勸之鼓琴瑟以安樂之也

掌九德六師之歌以役大師註役爲之使

○眡瞭掌凡樂事播鼗擊頌磬笙磬註磬在東方曰笙在西方曰頌大射儀樂

人宿縣於阼階東笙磬西面其南笙鍾其南鍾皆南陳西階之西頌磬東面其南鍾其南鍾皆南陳按二磬皆編縣十六枚爲一虞者編鍾鍾人之屬擊之眡瞭不與也下賓射十三字當入鍾人鍾人說見鍾師

掌大師之縣

縣音懸。李晉卿曰縣鍾磬非瞽瞍所職故眠瞭掌之言大師之縣大師命奏也

凡樂事相瞽

相息亮反。註相扶工按樂師令之

大喪厥樂器大旅亦如之

所厥不特瞽與笙磬頌磬並掛搏棟與應瞽及祝敵墳簫管琴

瑟亦厥蓋大師小師瞽瞍無目眠瞭相瞽代厥固當卽磬師特磬鍾人特鍾二編亦眠瞭底之蓋眠瞭掌大師

之縣此特縣之鍾磬與二編鍾胥在縣故也

賓射皆奏其鍾鼓

標賓射舉中大射燕射例此矣此下十三字疑鍾人當移士奏采蘋之下

○瞽愷獻亦如之

瞽音戚。瞽有二一守瞽一軍瞽觀下鼓人文可知註愷獻獻功愷樂也

杜子春讀瞽爲憂戚之戚戒守鼓也擊鼓聲疾數故曰戚按二者亦如賓射奏鍾鼓鼓人說見鍾師

○典同掌六律六同之和以辨天地四方陰陽之聲以爲

樂器。自黃鍾一陽生至小呂六位其宮皆天之聲也。自蕤賓一陰生至應鍾六位其宮皆地之聲也。其中角木也。爲東方之聲。商金也。爲西方之聲。徵火也。爲南方之聲。羽水也。爲北方之聲。天地四方允不外是矣。顧十二律陰陽相間出於陽律者皆陽聲出於陰律者皆陰聲。典同準此以制八音之器宜其奏之而上下神元天之四望地之山川宗廟之祖妣無不欣豫以來歆也。

凡聲。高聲硯。正聲緩。下聲肆。陂聲散。險聲斂。達聲贏。微聲

錯。回聲衍。侈聲侉。弇聲鬱。薄聲甄。厚聲石。硯古本反陂

間作側百反弇音掩甄音震。此舉鑄鍾之不善以示戒。見不得犯此十二病也。樂聲惟鍾最大。爲八音綱領。故獨言之。自十二辰鍾鋪鍾至編縣笙鍾頌鍾合十六鍾在一處者皆當忌此。攷工鳧氏所記長短廣狹大小厚薄各有定法。正恐犯此十二病也。故此一經斷主鍾說他樂器無與也。註鄭大夫讀硯爲哀冕之哀某謂高



鍾形大上上大也高則聲上藏哀然旋如裏正上下直  
正則聲緩無所動下鍾形犬下下則聲出放肆陂讀爲  
險陂之陂陂偏侈陂則聲離散險偏弇也險則聲斂不  
越遠形微大也達則聲有餘微形微小也鰭讀爲飛鉗  
鰭鰭之鰭鰭聲小不成回形微圓也回則其聲淫衍無  
弇則聲鬱勃不出甄讀爲甄燿之甄甄猶掉  
也鍾微薄則聲掉鍾大厚則如石叩之無聲

凡爲樂器以十有二律爲之數度以十有二聲爲之齊量

齊音劑。此總制八音之器言註數度廣長也按十二  
律自黃鍾九寸至應鍾四寸七分長短各別準律者固  
當準此數度卽一器中全備十二律者如琴之瑣簫管  
之孔穴亦當各準律同分寸也十二聲者十二律之聲  
四黃鍾也乙大呂也上大簇也尺夾鍾也工姑洗也凡  
中呂也六蕤賓也五卽四林鍾也仇夷則也仕南呂也  
僕無射也仁應鍾也八音除革木外金石各一聲者固  
各準此十二聲其匏土絲竹全備十二聲者則全準此

十二聲也。聲調劑量猶節度。爲之齊量。使皆合四乙上尺之節。而無高下之差也。疏數度者。漢志云。古之神聲。度律均鍾。以律計。自倍半。如黃鍾九寸。倍之爲尺。八寸半。之得四寸半。總二尺二寸半。爲鍾口徑。及上下之數。自外十二辰頭皆然。○凡和樂亦如之。和以所作之器。調和而奏。爲宮。除乙變宮不用。上爲商。尺爲角。工爲徵。除凡變徵不用。六爲羽。五爲宮清。乙爲宮。除上六二變不用。尺商工角。凡徵五羽。乙爲宮清。自四至六。皆下宮。自五至七。皆上宮。可以次推之。金石各一聲者。差其數度以和之。匏土絲竹。備十二聲者。以聲之高下和之。則樂器皆合於五聲。而無不和。篇章職文。疑當在此職下。

○磬師掌教擊磬。擊編鍾。磬特磬。編鍾該編磬。教其屬擊人之屬。及其屬也。編鍾。笙鍾。頌鍾也。編磬。卽笙磬。頌磬。劉原父曰。官縣有特磬十二。鋪鍾十二。皆依辰次以應律。編磬。編鍾。各十有六。共爲一虞。

教縵樂燕樂之鍾磬

縵莫半反。縵絃縵以絃縵合聲歌也。非正樂詩章而義關勸懲爲學士

所絃誦故曰縵樂學記不學操縵不能安絃是也疏學記鄭註操縵雜弄卽今調辭曲註燕樂房中之樂按卽

二南燕禮升歌擊頌鍾頌磬笙入擊笙鍾笙磬閒歌歌擊頌鍾磬笙擊笙鍾磬合樂二鍾二磬並擊合樂合二

南也卽此燕樂化起宮闈而用諸小寢以示燕好故曰燕樂也長孫如曰燕樂信的解與燕禮未盡合何也曰

此天子之樂與諸侯不同樂有差降鄉飲士禮也有磬無鍾降於諸侯矣且二南房中之樂也諸侯燕禮合樂

用其六篇歌奏有瑟無琴而天子奏房中之樂必備琴瑟亦備鍾鼓豈燕樂反同於諸侯邪按旌人等舞散樂

夷樂竝當此燕樂之節而承其後故○及祭祀奏縵樂日舞燕樂非卽舞此二南六篇也

祭祀直云奏縵樂磬師自擊特磬以奏也

○鍾師掌金奏

鍾師當作鍾人以無教人事不得云師也金奏擊大鍾以奏樂也此鍾特縣九夏射

節皆金奏所擊特鍾也  
繼樂燕樂則擊編鍾矣

凡樂事以鍾鼓奏九夏王夏肆夏昭夏納夏章夏齊夏族

夏祓夏驚夏

齊側皆反祓音咳驚五羔反。凡樂事該

鼓爲節故曰以鍾鼓奏也鼓師以晉鼓鼓金奏此鼓晉

鼓也鼓人所擊以應此者註夏大也杜子春云祓讀咳

鼓之咳王出入奏王夏尸出入奏肆夏牲出入奏昭夏

四方賓來奏納夏臣有功奏章夏夫人祭奏齊夏族人

侍奏族夏客醉而出奏咳夏公出入奏驚夏肆夏詩也

春秋傳穆叔如晉晉侯享之金奏肆夏之三不拜工歌

文王之三又不拜歌鹿鳴之三三拜曰三夏天子所以

享元侯也使臣不敢與聞肆夏與文王鹿鳴俱稱以此

知肆夏詩也國語金奏肆夏繁過渠天子所以享元侯

肆夏繁過渠所謂三夏矣呂叔玉云肆夏繁過渠皆周

頌肆夏時邁也繁過執競也渠思文也註以文王鹿鳴

言之則九夏皆詩篇名頌之族類也按儒說多言大武

六詩不備今按之但失次耳無一篇亡也註言九夏樂崩亦從而亡究非定論周頌三十一篇雖不能確指某篇某篇爲某夏而篇什既多安知不全在其

中必謂已亡未之敢信九夏金奏不歌樂章

凡祭祀饗食奏燕樂

食音嗣燕樂燕禮所謂大合樂樂聲盛亦擊特鍾不止編鍾也

凡射王奏騶虞諸侯奏貍首卿大夫奏采蘋士奏采芣素

此

以鍾鼓合工歌鄭司農云騶虞聖獸按卽召南末篇疏言凡射則大射賓射等同用此爲射節按此奏卽大師帥瞽歌射節時奏之大司樂於三夏三侑及此四射節皆令奏知卽令此鍾人又按眠瞭錯簡賓射皆奏其鍾鼓瞽愷獻亦如之當在此節之下標賓射上兼大射下該燕射皆奏鍾鼓見九夏當奏者皆奏不止射節奏鍾鼓也瞽愷獻亦奏鍾鼓如射瞽見鼓師鼓人愷獻見樂師鼓師說見地官鼓人

掌鼗鼓綬樂

鄭司農曰鼓讀如莊王鼓之之鼓疏此官於磬師作綬樂擊鼗以和之按此祭祀時亦擊

特鍾不止  
擊編者

○笙師掌教飲竽笙塤簫簫簾簾管春牘應雅以教祓樂  
飲古吹字竽音于篪陳知反簾音笛廣音獨祓與陔同  
工才反。竽三十六簧官管在中長四尺二寸笙長四  
尺十三簧宮管在左簫如笛而六孔中閒第四孔為宮  
聲即單簫也直吹簾長尺四寸圍三寸七孔一孔上出  
凡八孔橫吹之簾長三尺四寸六孔亦橫吹牘以竹為  
之大五六寸長七尺短者一二尺端有兩空繫畫應竹  
長六尺五寸中有椎雅如漆簫而弇口大二圍長五尺  
六寸羊韋輓之兩紐疏畫祓樂祓夏之樂賓醉而出奏  
祓夏以三器築地為之行節即所謂春也吹者入春者  
三皆祓夏所用塤簫管小師教瞽矇此則教眡矇也餘  
五吹三春  
亦教眡矇

凡祭祀饗射其其鍾笙之樂

鍾人之屬擊笙鍾  
時笙師吹笙也

燕樂亦如

之此燕樂正燕禮所用之樂而祭祀饗食亦兼之不及射天子尊用管也燕樂升歌後笙三終閒亦笙三終合樂奏二南笙亦三終與歌奏合也

大喪廡其樂器及葬奉而藏之大旅則陳之眠曉廡樂器不言藏省文

也此笙師言廡又言藏可以例推此大喪所廡藏卽八吹三春明器大旅五字疑劉歆竄入

○鑄師掌金奏之鼓鑄師當作鼓人鑄卽鍾人所擊此鼓人職中事也因周官本經鼓人鼓師

連文疑其謬誤遂改鼓人爲鑄師又改彼鼓師爲鼓人而與舞師移屬地官芬經文而誤後世劉歆之罪大矣或曰安知此非鼓師曰彼地官所列掌教六鼓四金此掌金奏之鼓無一字及教也其非師也明矣鼓師以晉鼓鼓金奏則此鼓晉鼓也金奏時鍾人擊特鍾此擊鼓以應之故次鍾人之後

凡祭祀鼓其金奏之樂饗食賓射亦如之祭祀饗食賓射之金奏卽鍾人

職九夏及射節鍾人擊特  
鍾以奏此職擊晉鼓也

軍大獻則鼓其愷樂凡軍之夜三鑿皆鼓之守鑿亦如之

鑿音戚。此專擊鼓註守鑿備守鼓也杜子春  
云一夜三擊按在軍如此備守在國亦三鑿也

大喪厥其樂器奉而藏之下所厥者晉鼓之明器此職之  
於此以復周官之舊

於此以復周官之舊

○鞀師掌教鞀樂祭祀則帥其屬而舞之鞀通昧即明堂

鞀樂教舞也其樂之聲歌掌於鞀鞀氏註舞之以東夷之樂大饗亦如之鞀師旄人

置鞀鞀氏之上

○旄人掌教舞散樂舞夷樂旄以麾牛尾毛爲之有柄即



教者國子小舞此旄人所教散樂夷樂之舞耳散樂列邦土風傳習者夷樂三方夷樂南任西侏儻北禁是也夷樂聲歌亦掌於鞀鞀氏鞀氏云  
○凡四方之以舞

仕者屬焉

序官舞者凡寡無數四方中兼四夷疏選舞人當於中取之

凡祭祀賓客舞其燕樂

燕禮奏燕樂以合歡也祭祀饗食亦奏燕樂當在尸賓歡決時故旌

人以散樂夷樂舞之鞀師舞祭祀大饗於此例見以旄人及鞀師所教固不得與大舞諸小舞比也

○籥師掌教國子舞羽飲籥

飲同吹。註文舞持羽吹籥所謂籥舞文王世子秋冬學

羽籥詩左手執籥右手秉翟按此舞羽與樂師所教羽舞不同此羽翟羽也又兼籥則文舞矣大司樂不教而

籥師教之知其輕於六大舞又按此職文當移置大胥小胥之下

祭祀則鼓羽籥之舞

鼓非籥師所掌於此擊之籥師既教國子舞羽舞時恐失節度故鼓之以

為之賓客饗食則亦如之宗廟降神用韶祭用大武賓客饗食亦用大武復用羽籥

之舞者備

文舞也

大喪厥其樂器奉而藏之

奉字上疑脫及葬二字當補入疏所載羽籥而已

○籥章掌土鼓陶籥

杜子春日土鼓瓦缶革兩面可擊註陶籥陶人吹籥之聲章明堂位土鼓

制桴蕤籥伊耆氏之樂

按此職文當移置典同下

中春晝擊土鼓飲餼詩以逆暑

中音仲下同註幽詩幽風七月也吹籥為聲七月

官寒暑之事迎氣歌其類也迎暑以畫求諸陽

○中秋夜迎寒亦如之

註迎寒以夜求

陰

凡國祈年于田祖飲餼雅擊土鼓以樂田畯

樂音洛註祈年祈豐年

也田祖先耕田者神農也按幽雅斷主信南山甫田大  
雅三詩以周制徵法上中下田通易而無公田無公田  
則田中無廬舍可知信南山則曰中田有廬與幽風亟  
東風星始播百穀同大田則曰雨我公田遂及我私公  
豳明辨如此非公則適有商稅法必不然矣然此經所  
吹備甫田大田二篇甫田之二章曰琴瑟擊鼓以御田  
祖以祈甘雨以介我稷黍大田之二章曰生其螟螣及  
其蟊賊無害我田稷田祖有神秉畀炎火此祈年於田  
祖之詞也若樂田峻之詞則二篇合一甫田之三章大  
田之四章皆曰曾孫來止以其婦子饁彼南畝田峻至  
喜此非舉稼確然無容致疑者哉田峻督勸農事  
之官祈用祖素樂即此以樂田峻申愛上之誠○國  
祭蜡則飲幽頌擊土鼓以息耆物建亥之月田事已成物勞而老故祭先嗇  
司嗇合聚索嗇以休息之物郵表嘒防永庸百種猶虎  
固所祭之物即草木昆蟲既見祀詞亦在所息中可知  
言國通於諸侯上經例此幽頌亦在屬頌中即豐年載  
芟良耜三篇及絲衣一篇是也絲衣一篇為蜡而養老

之詩豐年三篇則祭蜡以息老物也何也郊特牲云年  
不順成八蜡不通順成之方其蜡乃通豐年之詩篇首  
卽言黍稷高廩萬億及秬載芟篇中復言穫多實阜良  
耜篇中又言穫積之多塋崇櫛比皆順成景象矣且三  
篇詞亦多同豐年言萬億及秬爲酒爲醴烝畀祖妣以  
洽百禮載芟亦同此四句載芟言俶載南畝播厥百穀  
而良耜亦用此二語如出一人手也且尋其文義皆合  
於蜡洽百禮合萬物而索饗也蜡也先之以烝祖妣則  
兼臘言臘因乎蜡年豐得備舉也載芟又繼之以寧胡  
考地官黨正國索鬼神則飲酒於序以正齒位因年豐  
而祭蜡乃及養老之禮也豐年篇末結言降福孔皆見  
豐年之慶無一不荷神庥良耜室盈婦寧亦申感荷之  
意而終之以報祭義不容辭則三篇次第前後秩然其  
爲蜡祭兩頌必無可疑也長孫如曰三篇誠蜡祭之頌  
惟未審允爲兩頌耳曰子未卽高廩句思之乎兩地陶  
復陶穴粟多審藏惟甚富者乃有高廩故鄭重言之審  
乎此則三篇之爲  
兩頌又何疑邪

○鞀鞀氏掌四夷之樂與其聲歌

四夷之樂即鞀師旄人所舞者彼主教舞此主

聲歌樂主器若胡笳羌笛蠻笙與中國所用不同註四夷之樂東方曰鞀南方曰任西方曰朱離北方曰禁王

者必作四夷之樂一天下也按

鞀師旄人三職當在此職之上

祭祀則飲而歌之燕亦如之

歌吹或合舞不合舞合舞則歌吹鞀以合鞀師之舞歌吹

任侏離禁以合旄人之舞也燕享食燕賓客燕樂之節也祭祀賓客奏夷樂皆當此節舉賓客之燕與祭祀為

也例也

○典庸器掌藏樂器庸器

註庸器伐國所獲若崇鼎貫鼎及其兵物所鑄

及祭祀帥其屬而設筵處陳庸器

註設筵處眠瞭當饗食

賓射亦如之

大喪。厥奠虞。檀弓有鍾磬而無奠虞。非天子故。此奠虞亦明器。

○司干。掌舞器。司干。掌朱干者。舞器。朱干。玉戚。羽籥及帔。功與大武為盛樂。舞器首重朱干。玉戚既從。朱干故諸舞器皆從之。而藏也。舞師及執師旄人舞器亦藏於司

干。惟司兵司戈盾所受者不與。

祭祀。舞者既陳。則授舞器。既舞。則受之。陳。未就舞位時。諸子正舞位。乃授舞

器。此則授諸子也。諸子乃授國子學士。若舞師以下諸舞。亦既陳。各授其長帥。令正位而授之。受。受而藏之。

賓饗亦如之。

大喪。厥舞器。及葬。奉而藏之。此官所厥。朱干玉戚以外。五

所厥。羽籥則籥師厥之。典庸器言藏。而不言藏。二職相次。互見也。

周官心解卷第十五

諸暨楊莊蔣載康闡訂

後學趙

載熊校刊

春官宗伯第三之五

○犬卜。掌三兆之灋。一曰玉兆。二曰瓦兆。三曰原兆。

大音泰○

註兆灼龜發於火其形可占者象玉瓦原之豐饒原原田杜子春云玉兆顙頊之兆瓦兆堯之兆原兆周之兆趙商問杜子春所云并下連山宓犧歸藏黃帝何由知之鄭答云數者非有明文改之無據故著子春說近師皆以爲○其經兆之體皆百有二十其頌皆千有二百

夏殷周註頌繇也按體百有二十者洪範雨濟圉蠹尅卽五大體分五行者以一歲二十四氣乘之以別生王休囚故

每體分二十四合之則百二十體也。占人君占體卽此。頌千有二百者。於百二十體中。各體分五行之色。又於五色中。從墨與垢別其陰陽。則又分十絲。合百二十體。爲千二百頌也。經兆之體與頌其數云皆三兆之體與頌其數不異也。

掌三易之灋。一曰連山。二曰歸藏。三曰周易。連山首艮歸藏首坤周易

首乾文王作周易杜子春云連山伏羲歸藏黃帝按儒說皆以連山爲夏易此無所考若歸藏商易則無所疑禮運子曰之宋得坤乾卽歸藏此確據也○其經卦皆八其別皆六十有四。此與下占夢經別皆頌也。註三易每卦八別者重之數。按經別之數並云皆三易不異也。李晉卿曰卜筮灋不同學者謂卜筮皆出於易。考春秋內外傳先秦古書卜筮之繇筮皆周易文卜繇別爲言語無隻句與易相似。愚以爲卜書五行也。筮書陰陽也。洪範卜五占用二。此卜筮之大要也。春秋傳晉卜救鄭遇水適火史趙輩



皆舉五行剋勝之義占  
之卜之畧例於此可見

掌三夢之灋。一曰致夢。二曰箴夢。三曰咸陟。

箴居宜反。○  
註：夢者，人精

神所寤。按此卽吉凶所兆，故古立占灋。李晉卿曰：致夢，夢有以致之。晝所思爲夜則成夢也。以思爲致夢而詭異不測，是謂箴夢。咸，感也。陟，升也。精神感而上通鬼神，以其無心，故謂之咸陟。○其經運十，其

別九十。

註：運當爲輝，是眡稜所掌十輝也。夜有夢晝視日旁氣以占吉凶，占者十輝，每輝九變。

以邦事作龜之八命。一曰征，二曰象，三曰與，四曰謀，五曰

果，六曰至，七曰雨，八曰瘳。

註：國之大事待蓍龜而決者，八作辭於將卜以命龜也。鄭

司農云：征，征伐象；雲物有所象似，易曰：天垂象，見吉凶。春秋傳：夫事恆象，謀謀議至，至不也。雨，雨不也。瘳，疾瘳不也。註與與共事。○以八命者，贊三兆三易三夢之占，果謂以勇決爲之。

以觀國家之吉凶。以詔救政。

贊佐也。三兆三易三夢之占三者所占之吉凶已見

於占也。復取上命龜八辭推演其意。比按三者之占則所占益明。於以觀國家之事何者吉何者凶。無不瞭然矣。詔告也。吉則告吉。凶則告凶。詔王施善政以救之。令有吉無凶也。大卜主卜。又統筮夢掌之。故以此總結之。見二者與卜實相表裏。大卜非虛。統二者詔救政尤見關係至重。

凡國大貞卜立君。卜大封。則眡高作龜。

註。卜立君。君無冢適卜可立者。按大

封若封公侯及連封諸國貞。正龜於席。乃命龜而問之。謂之大貞者。二者事大皆小宗伯貞命。小宗伯職國大貞。奉玉帛以詔號是也。奉玉帛貞龜中事。詔號命龜中事。註。眡高以龜骨高可灼處示宗伯也。大事宗伯涖卜作龜。火灼之以作其兆。春灼後左。夏灼前左。秋灼前右。冬灼後右。士喪禮宗人受卜人龜示高。涖卜受視反之。又曰。卜人坐作龜。疏。凡卜皆尊者涖卜。在禰廟門闕外闕西。西面有席。先陳龜於廟門外之西塾。又貞龜於闕

外席上乃命龜眡高作龜也尊者宜逸卑者宜勞從下  
向上差之作龜眡高二者勞事以大貞事大故大小身  
為勞事也按陳龜貞龜命龜無常職視事大小常變以  
分任惟泣卜為大宗伯專掌眡高作龜則卜師常職也  
此大貞大宗伯泣小宗伯貞命陳龜或肆師眡高作  
龜竟以大卜執卜師之事則以事大且非常故也

大祭祀則眡高命龜註命龜告龜以所卜事按不親作龜

宗人即席西面坐命龜按此卜大豕宰與

凡小事泣卜註代宗伯疏小事既大卜泣卜則陳龜貞

國大遷大師則貞龜註正龜於卜位士喪禮卜人抱龜爇

事故不名大貞疏泣卜大宗伯為之陳

龜宜小宗伯眡高命龜卜師作龜卜人

凡旅陳龜註陳龜於饌處也士喪禮卜

人先奠龜於西塾上南首卜師

凡喪事命龜

註重喪禮次大祭祀也士喪禮筮宅卜且天子卜葬兆按言凡當兼王太子三夫人以下

言

○卜師掌開龜之四兆。一曰方兆。二曰功兆。三曰義兆。四

曰弓兆。

李晉卿曰卜師掌作龜開龜四兆開鑿龜之四方上鄭氏春灼後左夏灼前左秋灼前右冬灼

後右

凡卜事

眠高疏眠高以龜高處示泣卜

○揚火以作龜致其墨

註揚猶熾李晉

卿曰墨墨其將灼處復乃灼之以致其兆

凡卜辨龜之上下左右陰陽以授命龜者而詔相之

相息亮反

○註卜當各用其龜按上北龜下南龜左東龜右西龜陰陽天龜陽地龜陰也詔相告以命龜之辭及相其命

時威儀 又接序官卜師之下卜人中士八人下士十六人而此職不見於經亡闕可知又思卜師職祇高作龜二事祇高之後乃命龜命龜之後卽作龜卜師恐不暇爲此且卜師上士辨龜授龜皆細事命龜而詔相尤卑者事不應以卜師職此竊意此必卜人一經之遺闕未盡者讀經者審諸

○龜人掌六龜之屬各有名物天龜曰靈屬地龜曰繹屬

東龜曰果屬西龜曰雷屬南龜曰獵屬北龜曰若屬各

以其方之色與其體辨之

果魯火反○註屬言非一色天龜元地龜黃東龜青西龜

白南龜赤北龜黑龜俯者靈仰者繹前弁果後弁獵左倪雷右倪若是其體也東龜南龜長前後在陽象經也西龜北龜長左右在陰象緯也天龜俯地龜仰東龜前南龜卻西龜左北龜右各從其耦也

凡取龜用秋時攻龜用春時各以其物入于龜室

註秋取龜及萬

物成也。攻治也。治龜骨以春是時乾解不發傷也。疏六  
歲入一室以著龜。歲易秋取春攻訖。即易去前龜也。

上春釐龜祭祀先卜。

註：釐者殺牲以血之神之也。先卜始卜者言祭祀尊之世本巫咸作筮卜

朱聞其人上

春建寅月

若有祭事則奉龜以往。

註：奉猶送。

○旅亦如之。喪亦如之。

○華氏掌共燠契以待卜事。

華時隨反。燠哉約反。音雀契。苦計反。又苦潔反。下同。○註

士喪禮楚煇置於燠在龜東楚煇

即契所用灼龜也。燠炬其存火。

凡卜以明火。燕燠遂飲其煖契以授卜師。遂役之。

燕如悅反。煖音

後又存問反。○杜子春曰：明火以陽燧取火於日。註：煖讀如戈。鑄之鑄以契柱燠火而吹之也。契既然以授卜

師作龜役之使助之王。

光遠曰：煖契之銳頭。

○占人掌占龜以八簪占八頤以八卦占簪之八故以眊

吉凶

簪同筮。以入簪以下十八字疑錯簡當在簪人九日巫環之下

凡卜簪君占體大夫占色史占墨卜人占垢

簪字疑衍註體兆象也色

兆氣也墨兆廣也垢兆豐也體有吉凶色有善惡墨有大小垢有微明尊者視兆象而已卑者以次詳其餘也周公卜武王占之曰體王其無害凡卜象吉色善墨大垢明則逢吉疏此皆據卜言體金木水火土五種之兆光之墨形體象金木水火土也凡卜龜之四足依四時灼之兆直上者木直下者水邪向上者火邪向下者金橫者土色兆中氣色墨據兆正豐處垢墨旁有奇豐辨者

凡卜簪既事則繫幣以比其命歲終則計其占之中否

音繫

係比眊志反中知用反。簪字疑衍註既卜史書其命龜之事及兆於策繫其禮神之幣而合藏焉書曰王與

大夫盡弁開金縢之書乃得周公所  
自以爲功代武王之說是命龜事

○筮人掌三易以辨九筮之名。一曰連山。二曰歸藏。三曰

周易。九筮之名。一曰巫更。二曰巫咸。三曰巫式。四曰巫

目。五曰巫易。六曰巫比。七曰巫祠。八曰巫參。九曰巫環。

以辨吉凶。九人。遺書可傳者也。古者占筮之工。通謂之

巫更。咸式目等皆其名也。巫咸見於書多矣。易疑爲易

易古陽字。所謂巫陽也。其它雖未聞。不害其有。李茂夫

曰漢書郊祀志晉巫所祀有巫祠之名亦其一徵。按占

人錯簡以八筮占八頌十八字當移於此。既將此十八  
字全移上占人又以此經不可不用以辨吉凶四字總  
束故又加此八故八字疑是九字以八筮八頌八卦多  
屬八字遂改九爲八也。八筮卽征象等八項所謂八筮  
與八頌者三易之筮雖別皆六十有四而取象筮在經



卦頌卦經八頌經卦八其別六十有四皆有頌蓋舉八  
即包六十四也。簪之九故巫更九人所傳故舊占象簪  
人占簪既用三易又用九人舊簪參驗也蓋恐事之吉  
凶不易辨故特加詳審如此三子澄曰九簪不出八卦  
故曰  
八故

凡國之大事先簪而後卜。

註當用卜者先簪之即  
事漸也簪凶則止不卜

上春相簪。

相息亮反。註相更選擇  
其著也著龜歲易者與

○凡國事共簪。

○占夢掌其歲時觀天地之會辨陰陽之氣。

註歲時歲四  
時也天地之

食建厥所處之日辰陰陽之氣休王前後疏建斗柄所  
建謂之陽建左旋於天曆日前一次謂之陰建右旋於  
天堪輿天老曰假令正月陽建於寅陰建於戌按斗杓  
隨歲差今之陽建不與古同先儒多不解此謂建寅為  
正月也  
○以日月星辰占六夢之吉凶。  
註日月星辰日月  
之行及合辰所在

春秋昭三十一年十二月辛亥朔日有食之是夜也晉趙簡子夢童子保而轉以歌旦而日食占諸史墨對曰六年及此月也吳其入郢乎終亦弗克入郢必以庚辰日月在辰尾庚午之日始有適火勝金故弗克此以日月星辰占夢者其術今入會其遺象也用占夢則亡李晉卿曰古者占夢必參以天地陰陽蓋人感天地陰陽之氣於是動於機而形於夢顧天地之會陰陽之氣不可睹也必察之日月星辰而象見焉春秋傳趙簡子事已詳註中史記宋元王夢一丈夫延頸而長頭衣文繡之衣而乘輜車曰我爲江使於河而幕綱當吾路豫且得我我不能去王有德義故來告訴召博士衛平問之平乃援式而起仰天而視月之光觀斗所指定日處鄉四維已定八卦相望視其吉凶介蟲先見乃對元王曰今昔壬子宿在牽牛河水大會鬼神相謀漢正南北江河固期南風新至江使先來白雲擁漢萬物盡甦斗柄指日使者當囚元服輜車其名爲壘王急使人問而求之此皆以日月星辰占夢之法也

○一曰正夢

註無所感動平安自夢

二曰噩夢

夢五各反。杜子春日。三曰思夢。註：思念而夢。四曰寤夢。寤，覺而夢也。今寢未熟而有見者。五曰喜夢。註：喜悅而夢。六曰懼夢。註：恐懼而夢。

季冬聘王夢。獻吉夢于王。王拜而受之。註：聘，問也。夢者，吉辰。季冬，日窮於次。月窮於紀。星迴於天。數將幾終。羣臣有夢，事關於王。於是發幣問之。因獻其吉者於王。詩：牧人乃夢。厥維魚矣。旂維旗矣。此所獻吉夢。

乃舍萌于四方，以贈惡夢。註：舍，讀為釋。舍萌，猶釋菜也。萌，菜始生也。贈，送也。欲以新善去

惡故

遂令始難。啟疫。難，難同。註：令，令方相氏也。方相氏，掌蒙熊皮，黃金四目，元衣朱裳，執戈揚盾。帥百

隸爲之敗疫厲鬼按能興疫病人者  
疏始難承季冬之下據季冬大難言

○眠祲掌十輝之灋以觀妖祥辨吉凶

輝音運。鄭司農曰輝日光炁也。註

妖祥善惡之徵李晉卿曰眠祲贊占夢以觀日月星辰之氣卽史記所謂暈犬卜註以十輝爲十運愚意經運十日之經運有十耳輝以贊經運之占占不止於輝○一曰祲二曰象三曰鑄四

曰監五曰闇六曰瞢七曰彌八曰敘九曰睪十曰想

許

規反音攜瞢忙鄧反睪子兮反。鄭司農曰祲陰陽氣相侵象如赤鳥也闇日月食也瞢日月瞢膏無光也註鑄讀如童子佩鑄之鑄日旁氣刺日也睪虹也詩朝睪于西想雜氣有似可形想按監如監守監臨日上或四旁有雲氣成象管束之彌如黃霧黑霧彌漫於天不見日也敘雲氣成象有次序

掌安宅敘降

註宅居也按降除下之妖祥見天祭禳令下除也人見妖祥則不安欲安其居處故須降

而天變有遲早緩急之別  
故次敘其變以降除也

正歲則行事

占夢以季冬贈惡夢在丑月此行敘降之事在子月蓋眠祝固與占夢聯職掌十輝以安

宅敘降又為專職也冬至登臺書

○歲終則幣其事

弊

雲物尤一年所重故正歲行事世反。此明歲歲終註弊斷也計吉凶然否多少按五官於正歲歲終無不寬易倒置此不易者以不可改也

○大祝掌六祝之辭以事鬼神永祈福祥求永貞一曰順

祝二曰年祝三曰吉祝四曰化祝五曰瑞祝六曰筴祝

大音泰筴音策。註永長也貞正也求多福歷年得正命也參徐氏順祝祝天人和同納於大順年祝祝五氣時若得大有年吉祝祝斂時五福吉無不利化祝因災變而祝祝化凶為吉瑞祝因祥瑞見而祝筴祝因揲蓍

而祝亦兼卜祝言祝龜筮  
不違於人合於大同也

掌六祈以同鬼神元。一曰類。二曰造。三曰禴。四曰禋。五曰

攻。六曰說。

造七報反。禴音詠。說如字。祈告神以求福。除殃。註天神人鬼地元神不和則六癘作。見故

以祈禮同之。按類合其同類以祭如類天神則在天之神皆祭而不及地元神則合異類而祭如神仕冬日至致天神人鬼夏至致地元神物彪以禴國之凶荒民之札喪是也。禴因災祭其神以求解。春秋傳日月星辰之神則雪霜風雨之不時於是乎禴之山川之神則水旱癘疫之災於是乎禴之攻卽鳴鼓而攻之。春秋傳日食伐鼓於社責羣陰也。說論說義理。註董仲舒救日食祝曰炤炤大明灑滅無光奈何以陰侵陽以卑侵尊是謂說也。類造禴禴皆

有牲。攻說用幣而已。

作六辭以通上下親疏遠近。一曰祠。二曰命。三曰請。四曰

會五曰禱六曰誅

祠會並如字。六辭大祝所作與大史諸官所作大別上天神下地祇親

四親疏遠廟遠廟遠中國四夷近畿內祠如字主陳舉祭之誠故曰祠命因祭請命為諸侯卿大夫即於祭命之之辭也諸如洛邑廟祭既命諸侯隨有康誥等三篇也會會同祀方明與諸侯共簋簠因事薦神若禱疾禱戰各有辭也誅諸侯卿大夫既卒歷敘生時善行以錫證之辭也

辨六號一曰神號二曰鬼號三曰元號四曰牲號五曰齎

號六曰幣號

齎音咨。註數尊其名更為美稱神號若云昊天上帝鬼號若去皇祖伯其元號若

云后土地元幣號若玉云嘉主幣云量幣鄭司農云牲號犧牲名號曲禮牛曰一元大武豕曰剛鬣羊曰柔毛雞曰翰音豕曰豮豮黍曰稊合梁曰蕡其稻曰嘉蔬少牢饋食禮敢用柔毛剛鬣士虞禮敢用剛鬣

香合

辨九祭。一曰命祭。二曰衍祭。三曰炮祭。四曰周祭。五曰振

祭。六曰擗祭。七曰絕祭。八曰繚祭。九曰共祭。

衍讀作延。炮同魚。擗

如泉反。又音繫。擗音了。共供同。鄭司農曰。擗祭以肝肺。通擗。擗以祭也。擗祭。手從持肺。本備之。至末。乃絕以祭也。絕祭。不備其本。直絕肺以祭。特牲少牢。禮取菹。擗於醢。祭於豆。閒。卿射禮。取肺坐。絕祭。鄉飲酒禮。右取肺。左御手執本。坐。弗擗。右絕末。以祭。少牢。取肝。擗於臠。振祭。註。命祭。玉藻。君若賜之食。而君客之。則命之祭。然後祭。衍。當為延。延祭。曲禮。主人延客祭。周猶徧徧祭。曲禮。殺之。序徧祭之。振祭。擗祭。本同。不食者。擗則祭之。將食者。既擗。必振。乃祭。絕祭。繚祭。亦本同。禮多者。繚之。禮畧者。絕則祭之。共。猶授也。主祭。食宰夫授祭。孝經說。共。綏執授。按炮。當即燔魚之魚。炮祭。如祝取胙。胙肺脊黍稷。燎於爐炭。入詔。神出。隋於尸。主之前。君洗肝於鬱。之制祭。此炮祭類也。



辨九擗。一曰詣首。二曰頓首。三曰空首。四曰振動。五曰吉

擗。六曰凶擗。七曰奇擗。八曰褒擗。九曰肅擗。以享右祭

祀。擗古拜字。詣稽同。奇居宜反。褒音報。右讀爲侑。註

杖以下用之。故曰吉拜。凶拜。稽顙而後拜。三年之服用

之。故曰凶拜。杜子春云。奇讀奇耦之奇。鄭大夫云。奇拜

一拜也。褒讀報。報拜再拜也。註振動。戰栗變動之拜。書

王動色變。一拜答臣下拜。易彥祥曰。享獻也。謂朝獻饋

獻。右讀侑。勸尸食而拜。疏空首者。先以兩手拱至地。乃

頭至手。以頭不至地。故名空首。頓首。引頭至地。首頓地

卽舉。故名頓首。稽顙。頭至地多時爲稽顙也。稽首。拜

中最重。臣拜君之拜。空首。君答臣下拜。肅拜。屈膝鞠躬

爲禮。軍中有此。婦人亦以肅拜爲正。按頓首。蒼皇急遽

之禮。春秋傳。晉穆嬴日抱犬子以啼於朝。出朝則抱以

適趙氏。頓首於宣子。楚申包胥乞師於秦。哭日夜不絕

聲。七日哀公爲之賦。無衣。九頓首而坐。二事蒼遽之甚

故有此拜非  
平吉時所用

凡大禋祀肆享祭元則執明水火而號祝明水火司烜所取日中之火月

中之水以給烝亨燔燎執之明圭潔大禋祀祭天肆亦大也肆享大祭宗廟元即大示不言大於祀互見號祝

以六號○隋贊逆牲逆尸令鍾鼓右亦如之隋許規反

註贊薦血血祭曰贊按祭祀祝事至繁何止五者為令鍾鼓特標之右讀侑隋祝取牲脾脊燎於爐炭入以詔

神於室出陪於尸主之前此當贊後贊時尸主猶在室也逆牲尤在先逆尸更在先侑尸食時勸飽也當此五

節皆令奏鍾鼓先儒俱謂神元無尸此大禋祀祭天也祭元祭地也何以亦逆尸邪曾子問孔子述老聃

語殆於祖祝迎四廟主主出廟入廟必蹕○來瞽令舉意王祭凡迎主皆掌於大祝不但逆尸也

舞舉作舉戶高反○相尸禮相息亮反註延其出入詔其坐作

○既祭合徹

大喪始崩以肆豐涖尸相飯贊斂徹奠

涖綿里反相息亮反飯扶晚反斂力

驗反

註肆豐陳尸設豐也鄭司農云涖尸以豐浴尸

疏浴訖即飯含故言相飯也不相含者大宰贊含玉也

贊斂冬官主斂事大祝贊之奠始

死之奠小斂大斂奠並大祝徹之

○言甸人讀禱付練

祥掌國事

付音耐。註言猶語禱六辭之禱甸人喪事代王受眚災大祝為禱辭語之使禱藉田之

神付當為耐祭先王以耐後死者掌

國事辨護之疏辨護供時用相禮儀

國有大故天裁彌祀社稷禱祠

註大故兵寇天裁疫癘水旱彌猶徧也按自大社太

稷外畿內社稷至多以大故天裁皆一一祀之禱

祠具六辭中祀社稷時大祝作此二辭令徧用也

大師宜于社造于祖設軍社類上帝國將有事于四望及

軍歸獻于社則前祝

鄭司農曰春秋傳軍以師行祓社

戴社主與遷廟主以行故有宜社造祖之祭此二者國

內之禮及軍之所在必設軍社於其地以事類而告上

帝此二者國外之禮按說甚明晰竊謂此四禮但行禮

時祝之已耳至將戰而有事四望此四望無壇壝與四

望在四郊者不同故將有事大祝先祝以立壇壝也獻

于社獻于大社也社主先在軍中至獻捷于大社必仍

奉社主於壇而後可以行禮故

大祝又前祝也前祝專指二者

大會同造于廟宜于社過大山川則用事焉反行舍奠

舍讀

作釋。註用事祭告也玉人職宗祝以黃金勺前馬會

子問凡告必用牲幣反亦如之愚按玉人大璋中璋九

寸邊璋七寸天子巡守宗祝以前馬註大山川用大璋

中山川用中璋小山川用邊璋僅舉大者主大祝親用

事者中小山川其屬用事也反行舍奠大師準此可知

王出造于廟將遷廟主行反行主還遷廟故舍奠舍奠

用幣七廟當行告  
至之禮大師亦同

建邦國先告后土用牲幣

註后土社神按告后土為邦國亦分土立社也疏有牲有幣禮

動不

禁督逆祀命者

王光遠曰非命祀則禁命而弗祀則督

頒祭號于邦

國都鄙

註祭號六號王介甫曰頒所得用之祭號按增入都鄙前二事知兼包都鄙言

○小祝掌小祭祀將事侯禋禱祠之祝號以祈福祥順豐

年逆時雨寧風旱彌裁兵遠臯疾

侯作侯彌作弭遠於願反○將事猶執事

如逆尸牲鼻膋及相尸等侯讀侯王光遠曰非祀大神享大鬼祭大元皆祭祀之小者侯侯福之將至禋卻禍之方燕按禱求去殃祠殃去而報祠之祈福祥三者祈願寧風旱三者禱去不順

大祭祀逆盥盛送逆尸沃尸盥贊膋贊徹贊奠

隋許規反○註奠奠

爵也。按祭宗廟薦熟於堂，主入室，大祝酌齊酒奠於鉶南。此隋卽大祝文中之隋，蓋大祝取胙脰燔之，入告於室，又出隋於尸主前者，疏逆盥盛者，祭宗廟饋獻後，尸將入室食，小祝於廟門外迎僖人之盥盛也。按小祝從小宗伯逆而肆師表之，疏送逆尸者，始祭迎尸入，祭末送尸出，沃尸盥者，尸尊不就洗，特牲少牢尸入廟門，盥於盤，時小祝沃水也。隋隋祭，特牲少牢尸始入室，拜安尸，尸以韭菹搗於鹽，祭於豆間，小祝贊尸，故曰贊隋贊徹者，諸宰君婦徹時，小祝又贊之，贊奠者，大祝酌酒奠鉶南，小祝則贊大祝郊特牲註，天子奠饔，諸侯奠角，卽此奠也。按疏據廟祭神元之祭未聞。○凡事佐大祝，註唯大祝所有事。

大喪贊涖

贊大祝肆涖尸

○設熬置銘

註銘今書或作名鄭司農云銘書死者名於旌

士喪禮爲銘各以其物亡則以緇長半幅，熬末長終幅，廣三寸，書名於末，曰某氏某之匱，竹杠長三尺，置於西階上，重木置於中庭，參分庭一在南，粥餘飯盛以二鬲，縣於重幕，用葦席取銘置於重，按此士之銘也，云銘各

以其物則天子之銘不同於士矣物布帛色長短皆是而旗亦兼之司常文犬喪共銘旌則共縣銘之旌也註云王則犬常則諸侯以下可以遞推註熬棺既蓋設於旁以惑蚍蜉喪大記熬君四種八簋大夫三種六簋士二種四簋加魚腊焉按此則天子用六穀每種二簋則十二簋也士喪禮熬黍稷各二簋有魚腊餼於西牀南又曰設熬旁一簋乃塗○及葬設道齋之奠分禱五祀註齋音咨

送道之奠還奠也祭五祀告王去此宮中不復反按此禱或祓除註謂分牲體尤不可信

大師掌釁祈號祝

釁齊車中遷廟主社主及軍器軍鼓等所釁時祈勝

○有寇戎

之事則保郊祀于社

註保祀互文郊社皆守而祀之彌戮兵按此皆因事所禱故保郊亦

之祀

凡外內小祭祀小喪紀小會同小軍旅掌事焉

疏林澤四方百物是

外小祭祀、內小祭祀、宮中七祀等、小喪紀、王后以下之喪、小會同、諸侯遣臣來王、王使卿大夫與之行、會同之禮、小軍旅、王不自行、遣卿大夫征伐、

喪祝掌大喪勸防之事

防扶方反。鄭司農曰：勸防，引

披備傾戲。

○及辟令啓

辟音開。鄭司農曰：辟，除菽塗椁也。令啓，命役人開之也。檀弓：天子之殯

也。菽塗龍輅以椁，加斧於椁上，畢塗屋，天子之禮也。

○及朝御匱乃奠

朝直遙反。匱古柅字

也。鄭司農曰：朝將葬，朝於祖考之廟而後行。喪祝御匱也。註：乃奠，朝廟奠疏。及朝者，侵夜啓殯，昧爽朝廟御匱者，發殯宮，輶車載至廟，喪祝執燾居前，以御正匱也。乃奠者，既夕禮，朝廟之時，重先奠從，燭從，匱從，彼奠昨夜夕奠至廟下，棺於廟兩楹閒，棺西設此宿奠，至明徹去宿奠，設此朝廟之奠於匱西，故云乃奠。○及祖飾棺乃載，遂御祖也。註：飾棺，設柳池紐之屬，載而後飾。



既飾旋車向外喪祝御之。  
○及葬御匱出宮乃代。註喪執翻居前卻行為節度祝二

人相與更也。  
○及壙說載除飾。說吐活反。鄭司農曰壙穿中疏說載下棺於地除飾除

去帷荒下棺於坎訖帷。  
○小喪亦如之。主后世子已下荒還入壙張之於棺喪亦有設去飾

及勸防故云亦如之。  
○掌喪祭祝號。註喪祭虞也按卒哭及練祥禫皆喪祭

王弔則與巫前。  
鄭司農曰喪祝與巫以桃茢執戈在王前檀弓君臨臣喪以巫祝桃茢執戈惡之也

所以異於生也疏桃者鬼所惡茢莢帚以掃不祥桃茢二者祝與巫執之執戈者小臣

掌勝國邑之社稷之祝號以祭祀禱祠焉。  
註勝國邑所誅討者若亳社是

奄其上而棧其下為北廂

凡卿大夫之喪掌事而斂飾棺焉。  
掌事掌飾棺勸防之事言斂飾棺自斂始

○甸祝掌四時之田表貉之祝號甸音田貉如字。貉，幽

田禱多獲禽也。讀百讀禱非陳用之曰。古人祭貉於立

表之處無壇墼置甲冑弓矢於神座之側建稍於神座

之後故謂之表貉。  
舍奠于祖廟禰亦如之舍音釋下同。註舍讀釋釋奠者

饌具而已七廟俱告故祖禰並言

師甸致禽于虞中乃屬禽及郊饁獸舍奠于祖禰乃斂禽

禰牲禰馬皆掌其祝號甸音田屬音燭饁于輒反禰音

其禽致於樹虞旗之處也屬禽別其種類而聚置之註

饁饋也以所獲獸饋於郊薦於四方羣兆人又以奠於

祖禰斂禽取三十人脂人杜子春云禰禱也按饁獸及

舍奠甸祝掌其祝號甸後禰牲禰馬其祝號亦甸祝掌

之旬後將廟享爲牲求肥充則禱牲  
旬後恐馬疲乏爲馬祈無疾因禱馬

○詛祝掌盟詛類造攻說禴禴之祝號

詛阻豫反造說音俱見大祝。類造

以下卽大祝六祈此則於盟詛時用此六者祝號亦大  
祝六號用於盟詛者盟要誓於神詛則以不信之罰求  
神必殛之也春秋傳盟諸僖閔詛諸五父之衢

作盟詛之載辭以敘國之信用以質邦國之劑信

註載辭爲辭載

之策坎用牲加書於其上國王國邦國諸侯國也質正  
也成也鄭司農云春秋傳使祝爲載書疏人多無信爲  
辭對神要之使信故云以敘國之信用  
邦國之劑謂要券對神成正之使不犯

○司巫掌羣巫之政令若國大旱則帥巫而舞雩

註雩旱祭天子

於上帝諸侯於上公之神按羣巫兼男女巫下女巫旱  
雩舞雩此大旱故司巫帥舞僅旱暵不帥也帥亦帥女

巫

國有大祲則帥巫而造巫恆

造七報反。杜子春日司巫帥巫官之屬會聚常處以待

命也

祭祀則共匱主及道布及菹館

匱音丹菹子都反。註道布為神所設巾中雷禮以

功布為道布屬於几是也菹之言藉也祭食有當藉者館以承菹若今筐也士虞禮苴刈茅長五寸實於筐饌於西牀上又曰祝鹽升取苴降洗之升入設於几東席上東縮鄭則中曰王在廟藏於石室謂之祔及合祭於

廟以匱

盛而至

凡祭祀守瘞

瘞於側反。註瘞若祭地亦埋牲玉守之以禮未畢禮畢則去之

凡喪事掌巫降之禮

註降下也巫下神之禮今死既斂就巫下賜其遺禮

○男巫掌望祀望衍授號旁招以茅

衍音延。杜子春日授號以所祭之名號

授之註衍讀延望祀有牲粢盛者延進也但用幣致其神二者詛祝所授類造攻說禴禴之神號男巫爲之招

按旁招四方招之也疏望祀者類造禴禴遙望而祀之望衍者攻說之禮遙望延其神以言語責之

冬堂贈無方無算

註冬歲終送不祥及惡夢必由堂始巫與神通言當東則東當西則西可近則

近可遠則遠無常數

○春招弭以除疾病

弭讀如彌。註招招福按杜子春讀弭如彌兵

之彌謂消除災禍

王明則與祝前

與祝以桃刻前王也

○女巫掌歲時祓除蠶浴

註歲時祓除如今三月上巳如水上之類蠶浴以香薰草藥沐

浴

○旱暵則舞雩

註使女巫舞旱祭崇陰也鄭司農云求雨以女巫檀弓歲旱穆公召縣子

春官

男巫

女巫十六

經籍堂

而問焉曰吾欲暴巫而奚若曰天則不雨而望之愚婦人無乃已疏乎

若玉后弔則與祝前

註女巫與祝前后如王禮疏與天官女祝前后

凡邦之大裁歌哭而請

註有歌有哭冀以悲哀感神靈疏歌者憂愁之歌若雲漢之詩

周官心解卷第十五終